

քահ. տեսնել Նուխու պէս մի յետ ընկած գաւառական քաղաքում: 1874 թ. և 1875 թ. սկզբներին Գէորգ Դ. մեծագործ Հայրապետը բաղմիցս անգամ պահանջեց ինձ Նուխու Հոգ. կառավարութիւնից, որ «փութով գնամ ս. էջմիածին մի շատ կարեւոր գործի համար»: 75 թ. Մարտ աւսին հասայ ս. էջմիածին. հեռատես Հայրապետը շատ անգամ յորդորեց ու համոզեց ինձ, որ կուսակրօն լինիմ և դառնամ վարդապետ, բայց ես ինձ անարժան և անպատրաստ համարելով, բացէ ի բաց հրաժարուեցի այդ սրբազան կոչումից: 1875 թ. վերջերին, յաւէրժայիշատակ Հայրապետը առանձին ս. կոնդակով կարգեց ինձ ուսուցիչ հայկական ձայնագրութեան և երգեցողութեան Թիֆլիզի բոլոր ծխական երկսեռ և օր. միջնակարգ դպրոցներում: 1880 թ. միւնխոյն մեծագործ Գէորգ Դ. Հայրապետի հայրական յորդորմամբ և հաւանութեամբ քահ. ձեռնադրուեցի Թիֆլիզի ս. Մինաս եկեղեցու վրայ: Բայց երբէք չեմ մոռացել իմ դժբախտ հայրենիքս, այլ նրա լուսաւորութեան և յառաջադիմութեան համար ոչ մի ջանք չեմ խնայել և խնայում մինչև ցարդ: Թող ներողամիտ լինի ընթերցողս, որ աւանայ շեղուեցի՝ Գեր. Տ. Արիս. Սրբազանի ինձ վերաբերեալ յիշեալ անստոյգ տողերի պատճառով: Ուտիացիների մասին երբեմն-երբեմն երեացել են Հայ ժամուլի էջերում թուղթիկ թղթակցութիւններ, նամակներ և ճանապարհորդական ուսումնասիրական ղիտողութիւններ, որոնց մէջ շատ նշանաւոր տեղ է բռնում յայտնի քիմիկոս պրօֆ.